

Inkama ya Kusangulwa Kwakwa

Nabwinga

Abena Roma 12:1-2, “E ico mwe bamunyanane, ndemupapatila ku nkumbu sha kwa Lesa, tuleni imibili yenu bulilambo bwa mweo, ubwa mushilo, ubwa kutemuna Lesa, e kupepa kwenu ukwa bumupashi. Kabili mwipalana no bwikashi buno; lelo musangulwe mu kulengwa imitima yenu ipya, pakuti mulingile icabo kufwaya kwa kwa Lesa, icisuma kabili icakutemuna kabili icapwililila.”

Cilya e co ifwe bonse tulefwaya ni ci; Te kupalana no bwikashi buno, **lelo ukuba abasangulwa pa kulengwa imitima yesu ipya** ukucita ubufwayo bwakwa Lesa ubwa pwililika. Nomba, **ukutula twalipusushiwa, nge fyo tuli; kabili ukutula twaliisushiwa na Mupashi wa Mushilo, ngefyo twaba; nomba tulefwaya umutima uwali muli Kristu ukuba muli ifwe, pakutula twingasangulwa ku fintu fya cifyalilwa fya bumi, kabili no kuletwamo mukucita ubufwayo bwakwa Lesa ubwa pwililika pa kusangulwa na Mupashi wakwa Lesa ku Cebo Cakwe.**

Ifwe tulebelenga: *“Mwipalana ku bwikashi ubu: lelo musangulwe ku kulengwa kwa mitima yenu ipya...”* (Abena Roma 12:2). **Ifintu ifyo mwaletontonkanyapo kale ukuba ifyawama, biken**

filya kumbali no kusangulwa ku cintu cimbi; ku fintu mwali inshita imo, ku fintu muli nomba.

Ici cilacitika *“ku kulengwa imitima yenu ipya, pakutula mwingashininkisha...cilya icili icisuma, icabo kufwaya, kabili icapwililika, ukufwaya kwa kwa Lesa.”*

Owe, cilya e co ifwe bonse tulefwaya ukwishiba, ifya kucicita. Mwamona? Ifwe tuli pano; twali Mutemwa; **Ena alitupususha, kabili nomba tulefwaya ukwishiba ifya kuti tucite.** Kabili tuleesha ukusenda ulutampulo ulunono **ukuninako fye panono pamulu.** Inshita shimo ifwe tulingile twakomaila ifintu ifyo...Imwe mulingile ukwikatilila pa inono— mpaka twamona ifyo cileisa mukuba. [1]

Nomba, ili shiwi “ukusangulwa,” nalimona mu citabo cakulondolwelamo amashiwi no kusanga ili shiwi, atemwa ili sambililo, ntile, llembo. Kabili mu citabo cakulondolwelamo amashiwi itilo ukuti **“icintu cimo ico icaalulwa.”** Cena cilingile ukuba **“ukwalulwa, ukusangula, ukupangwa icapusana ku fintu cali.”** Cena caba, **“Imibele ya ciko na fyonse fili muli cena na fyalulwa muli cena:”** Ukusangula.

Kabili ndetontonkanya, mu Kutendeka 1: Ili sonde lyali mu cimfulumfulu, kabili tapali kantu; imfifi yali pe sonde, nangu cimo kano icimfulumfulu icapwililika. Kabili ilyo ili sonde lyali muli ulyo musango, Umupashi wa kwa Lesa washundile pa mulu wa menshi, kabili icikope conse cali alwilwe ukufuma mu cimfulumfulu icapwililika ukwisa kwi bala Iya Edeni. **Yalya maka yakwa Lesa ayasangula, ayo ayengasenda icintu cimo icishili nangu cimo no ku panga icintu cimo icawamisha ukufuma muli cena, amaka yakwa Lesa ayasangula!** [2]

Kabili Lesa asendele Cilye cimfulumfulu icikalamba ica mfimfi no kusangula cena mwi bala Iya Edeni ku Cebo Cakwe. **Ulya e musango tusangulwa: ku Cebo cakwa Lesa. Ilyo Lesa asosele, “Napabe ulubuuto,”** (*Ukutendeka 1:3-5*) kabili bulyo bwingi ubwa filengwa kulya lubali fyaishile kulya ukushinguluka akasuba, kabili fyatendeki ukusela ukushinguluka akasuba, kabili **caishileba ibala Iya Edeni** pa mulandu calinakile Icebo cakwa Lesa. Cena cacitile ubufwayo bwakwa Lesa ubwapwillika, pantu calisangwile ukufuma ku cimfulumfulu ukuba mwi bala Iya Edeni ku Cebo cakwa Lesa. [1]

Nomba, Lesa, mu myaka amakana mutanda alibyele shonse ishi mbuto shisuma, atemwa Ena alilandile Icebo Cakwe. “Cili no kuba uyu musango. Ici cimuti cili no kuba. Ici cili no kuba.” Ifintu fyonse fyali ifyapwililika. Cali fye icisuma. Kabili Ena aebele cila lumu ulwa shilye mbuto ukutila shena shilingile ukuba, **shena shali no kuisangula ishine mu cilimwa ica bumi bwa ulyo musango ico Cebo cakwa Lesa calandile muli shena shilingile ukuba.** Nga cali cimuti ca mutelebinti, cali no kuleta mutelebinti. Nga cali kancindu, cali no kuleta kancindu.

Pa mulandu Kalenga umukalamba atumine fye Icebo Cakwe, kabili ne mbuto Cebo yali kulya ilyo Imbuto ya cine tailati ipangwe. Kabili Icebo calengele imbuto. Mwamona, alengele isonde ku fintu ifishimoneka (*Abahebere 11:3*). Mwamona, **Ena alengele isonde ku Cebo Cakwe. Lesa alandile ifintu fyonse mu kumonekela.**

Kabili pakuba Lesa, Kalenga, ukulanda ifintu fyonse mu ku monekela, lilingile lyali isonde ilya pwililika. Yena yali ni ncende iya wamisha. Yena yali ni paradise iya cine pe sonde.

Kabili ifintu fyonse mu kutungululwa ku kuleta umusango wa cena...Ilyo Ena abikile imbuto mu mushili, **imbuto kuti ya mena fye na maka ya bumi muli yena ku kusangula yena ukufuma ku mbuto ukwisa ku cilimwa, atemwa conse ifyo cali. Amaka Yakwe ayasangula...**Nomba, Lesa abikile imbuto mulya na maka ayo yena ingaba ifyo Ena asosele cena cingaba. Kabili ilyo lyonse yena yaikele mwibumba Iya yena, yena kuti yaba fye filya fine ifyo Lesa asosele ukutula ikaba. Yalingile ukuba ulya musango, pa mulandu Ena ailengele yena ulya musango, kabili alipangile umwakupita, ukutula icili conse ico icikala umwakupita Mwakwe mu mulongo Wakwe wa Cebo, cilingile ukuleta filya fine nge fyo Icebo Cakwe calandile ukutula cikacita. Teti cisele ukufuma kulya nga cakutula catungululwa fye bwino filya fine. E ico ne fintu fyonse mukusubila mu mwana Wakwe Wine, ukutula kuti caba ulya musango, lyena Lesa atile, **“Cena conse cili fye bwino, e ico nalatusha fye** *(Ukutendeka 1:31; 2:1-3)*. Kabili cila imo yashilye mbuto shalikwata amaka mu shine sheka ukuisangula ishine mu cilimwa ico **Ndekabila shena ukuba.** Filya efyo cilingile ukuba, pa mulandu Nimpela imbuto iili yonse amaka **ayakusangula ukulenga mu ine yeka amaka nomba,** ukuilenga mu ine yeka filya fine ifyo ndefwaya yena ukuba.”

Nomba umuku naumbi, **ni cinshi ukusangula? Musangonshi tukwata kwena? Ni finshi kucita ukusangula? Lesa alacicita ku Mupashi wa Cebo**

Cakwe (Yohane 6:63). Ena alasangula. Ena alabyala Imbuto Yakwe, alabikapo Umupashi Wakwe pali Yena, kabili Yena ilaleta icipe. Umupashi Wakwe uwa Mushilo ulasangula imbuto Cebo mukati ku kushininkishiwa umusango wa yena.

Umusango wa mbuto mwaba, cilya cilangisha fye ico icili muli imwe. Imwe teti mu cifise. Conse ico mwaba mukati, cilalangisha kunse. Imwe teti mu cikanye cena. Imwe teti mulenge cilye ci muti cintu cimbi kano fye ifyo cena cili. Mwamona, cili nokuba ulya musango. Mupashi wa Mushilo ulasangula imbuto iyo iyaba mukati ka yena. Te mulandu umusango wa mbuto yena ili, yena ili no kusangula yena. Nga cakutila yena ibifi, ili no kuleta ibifi. Nga cakutila yena ni bumbimunda, ili no kuleta bumbimunda. Nga cakutila Cena Cebo cakwa Lesa ica cine, cili no kuleta uwa cine cine umwana mwaume atemwa umwana mwanakashi wakwa Lesa. [2]

Kabili fyonse ifi fintu fikalamba ifyo Ena aishibe fyali no ku fikilishiwa, panuma ilyo Ena alandile cena, Ena kuti aya mukutusha. Ifintu fyonse mu kutungululwa...Imbuto Yakwe yali Cebo Cakwe, kabili Icebo Cakwe ni Mbuto (Luka 8:11). Yesu asosele ukutula cali. Kabili ne fintu fyonse fili no kuba fye bwino, pa mulandu Ena atile kuli cena ukuleta umusango wa ciko, ukuisangula fye ku musango wa iko. Mwamona? Icebo Cakwe calingile ukuba umusango wa Ciko (Ukutendeka 1:11-12). Nga Ena alisosele icimuti ca kancindu, Ena tapilibwile akancindu no mutelebinti ukusankanya pamo. Ena apilibwile icimuti ca kancindu apa, kabili icimuti ca mutelebinti apa, ifintu fyonse ifyabikwa mu cifulo cakwe.

Owe, nga kuti ifwe twasambilila fye cilya, cilya e ciputulwa ca Cebo twaba, ifwe tulingile ukusenda icifulo cesu, te mulandu ifyo cena cili (1 Abena Korinti 12:18,28-30). Inshita shimo mulingile ukuipatula ku fintu fyonse ifyatemwikwa pe sonde kuli imwe ukusenda icifulo cenu ico Lesa amwitalako. Lelo ni cinshi ico Lesa alecita? **Uku misangula imwe ku fintu mwali.** Nalimo umwana mwanakashi atemwa umwana mwaume, atemwa conse ifyo cili, ukufuma ku lupwa ulwawama inshita shimo, Ena ala mubika imwe ku ncende imbi. Pa mulandu yena ni nshila Yakwe yakucitilamo cena, ku kusangulwa kwa mutima wenu (Abena Efese 4:17-24) ukunakila Icebo cakwa Lesa temulandu ifyo umutengo uli.

Ukulubulwa kwesu takwali icintu caanguka; cali mwana wakwa Lesa aishile tufwila. Ifintu ifya bunonshi fyaishile no mutengo uwapulamo (1 Petro 1:17-20).

Icebo cakwa Lesa Mupashi Wakwe (Yohane 6:63), kabili Icebo Cakwe ciisa kuli kasesema Wakwe. kabili **Icebo cilingile ukumusangula imwe ukufuma ku fyo ifintu fya mwisonde fyaba, ukwisa mu cipasho ca bana baume na bana banakashi bakwa Lesa (Abena Roma 8:28-29).** Kabili Icebo kuti caisa fye ukupitila muli aba bakasesema, ilyo balelanda (Amose 3:6-7). Kabili calepashaniwa ne Cebo, kabili no kulangisha ukutila cali Cebo. **Lyena nga mwasumina cilya Cebo, Cena cili no kumusangula ukufuma ku mwana mwaume wa mwisonde, umwana mwanakashi wa mwi sonde ukwisa ku mwana mwaume no mwana mwanakashi wakwa Lesa (1 Tesalonika 1:4-6).**

Lolekesheni kuli imwe muno. Nibanga abakwete kulyo kwishiba? Cila umo wa muli ifwe. Ifwe twalikwete kulya ukwishiba. **Pa mulandu Cena calilandilwe; Cena cali cetekelwe; kabili Icebo caliishile nokuponena umwa kubyala mu mutima** (*Mateo 13:23*); kabili kulya Cena calimena ukufuma muli cena. **Ukuisangula mwebene, Umupashi Wakwe wa Mushilo ulasangula imbuto cebo mu musango wa Cena** (*Abena Roma 8:28-30; Tito3:4-7*). Kwati nge cimuti ca pear ca twala pear, icimuti ca mwapele umwapele, ifintu nga filya, **Icebo Cakwe cikaleta abana baume na bana banakashi ba kwa Lesa**. Cilya efyo cilingile ukucita.

Ubushiku bumo ilyo isonde lyaikele mu mfimfi na mu cimfulumfulu nakabili, Umupashi wakwa Lesa waendele pa mbuto sha lingilwa libela. Ulubuto ulwalingilwa libela, abalingilwa libela, lwaishilesangulwa. Casendele Esaya 9:6-7.

Kabili pano, uyu mwaume alingile ukwiminina ku cinso ca bantu bakwe no kusosa, “Nacisungu akemita.” (*Esaya 7:14*). Owe, kunse ka matontonkanyo...Lelo, mulemona, Lesa talandile cena Umwine; Ena alalanda cena ukupitila muli ba kasesema Bakwe. Nomba, takwali nangu cimo icalembelwe muli Baibele pali cilya, lelo uyu kasesema ali iminine, atile, “nacisungu aka...” Muli *Esaya 9:6*, “Kuli ifwe umwana nafyalwa, kuli ifwe umwana napelwa; ishina Lyakwe likenikwa Kabilo, Cilolo wa Mutende, Lesa Impalume, Wishi wa Nshita pe.” Nomba, nga nacisungu ali nokwimita, cilya Cebo cali landilwe, ico cali akashishi, ukwa kubyala kulingile kwaba kulya ukupokelela cena mubushiku bumo. Ena afwailishe ukupita mu fyalo; takwali nangu umo. Ena apitile mu fyalo; takwali nangu umo. Kabili mupepi **ukupalama imyaka imyanda cine konse konse**

panuma, ilye mbuto iyalingilwa libela yasangile umwakubyala, kabili wene atendeke ukulakula.

Kabili Umupashi wa endele pali Yesu no kutuma Wene ku Kalbale ku lupanda (*Yohane 19:17-30*) ukuleta Ulubuuto muli buno bushiku, no Lubuuto kuli shonse imbuto ishalingilwa libela ku lukuta lwa buno bushiku, **ukusangula abana baume na bana banakashi bakwa Lesa mu Mulola Wakwe.**

Nga mwacetekela imbila ya Baibele, kabili **imbila iyabapo ya buno bushiku, ukushininkisha ukwa yena...**Umulandu wine mwikalile pano, **pa mulandu mwali lingilwe libela** ukwikala pano. Imwe nga tamwali pano nga teifyo; imwe nga mwali mu musebo, nalimo abakolwa, bamo muli imwe; kabili bamo imwe kunse uku kabili ukulaenda no mukashi wa mwaume umbi; kabili imwe mwe banakashi kunse, nga mwalyupilwe, kabili no kwenda no mwaume wa mwanakashi umbi, atemwa icintu cimo nga cilya. Mwamona? Lelo imwe mwali lingilwe libela ukuba pano. Mwamona? Imwe teti mucikanye. Imwe mwalikwata Shinwe; Ena ni Lesa, kabili **mwali imbuto** (*Mateo 13:37-38*).

Imwe mwali muli wene kulya nge tontonkanyo; nomba imwe muli muntu uyo uwingakwata isenge na Wene. Mwamona? Ngefyo mwali muli bashinwe pa kutendeka, lelo nomba muli bana baume nabana banakashi, pakutila mwinga kwata isenge na bafyashi benu. Nomba, ifwe tuli bana baume na bana banakashi bakwa Lesa, abo abengakwata isenge na Shifwe, Lesa. Mwamona, cili fye icawama. Bushe tamutemenwe cilya? **Lyena mulesa mukuba nga Wene.** Kabili nga twali abana baume, lyena muli imibele, kabili mwali mu cipasho Cakwe pa kutendeka.

Kabili ibukisheni, nga mwali muli Wene pa kutendeka; kabili ilyo Yesu, uyo uwaba ni Lesa, Icebo icalengelwe umubili no kwikala pakati kesu (*Yohane 1:1-3,14*); Iyena imwe mwali muli Wene no kushipikisha ukutukwa uko Ena asendele. **Imwe mwaile pa Kalbale pamo Nankwe, muli Wene. Imwe mwafwile muli Wene. Imwe mwabukile muli Wene. Kabili nomba imwe na mwikala capamo mu ncende sha mu myulu muli Wene** (*Abena Efese 2:4-6*).

Kabili ukufuma muli ici cimfumfulu ca uyu Edeni mupya wa science uo tuleikalamo wa fya ntambi na science na masambililo, kabili ne fi fyonse ifintu ifipya, ifwe tukabuka. Uyu mwingila wa mubili tukafula, no kwima no kusenda icilambu ca muyayaya, ubushiku bumo. Ifwe tukapita mulwelele, kabili ici conse cikapwa (*1 Abena Tesalonika 4:13-17*). Pantu Icebo cakwa Lesa ico icatuleta ukufuma mu kutontonkanya kupya kwa mano yenu, **ukusangula amano yesu mu kulengwa kwa mitima yesu ipya kuli Lesa** (*Abena Efese 4:20-24*), kabili imipashi yesu; ulya wine Umupashi uyo uwalandile cilya, wali tusangula ifwe ukufika apa, kabili Wene nacimbi ukatutwala ifwe mu Mulola Wakwe, mu bukata Bwakwe no mubili uwacindamikwa (*Abena Roma 6:5-6*). ^[1]

Umuku naumbi: nomba, **nga imwe muli mwana mwaume no mwana mwanakashi wakwa Lesa, Iyena mwali muli Lesa pa kutendeka. Imwe muli mibele Yakwe** (*Abena Galatia 4:6*). Nga imwe tamwaliko kulya lilya, Iyena tamwatalile bako atemwa tamwakatale ukubako.

Abana baume na bana banakashi bali muli Lesa pa kutendeka. Nomba, Iolekesheni. Imwe namukwata

Umweo wa Muyayaya (Yohane 5:24), mwatila. Ifwe twalicetekela cena, ukutila twalikwata Umweo wa Muyayaya. Cisuma, kwaba umusango umo uwa Mweo wa Muyayaya, kabili ulya ni Lesa. Cilya e cintu ceka icaba ica muyayaya, ni Lesa. **Lyena nga imwe na mukwata Umweo wa Muyayaya, ulyo Umweo uwaba muli imwe lyonse epo wali, kabili mwali mu musana wakwa Lesa ilyo takulabako isonde** (Abena Efese 1:3-4). Yesu Umwine etwa Icebo, kabili muli Yohane 1, atile, *“Mukutendeka mwali Cebo, kabili Cebo cali pamo na Lesa, Kabili Cebo cali ni Lesa. Kabili Cebo calengelwe umubili no kwikala mukati kesu”* (Yohane 1:1-3, 14-18). **Lyena mwali mu musana wakwa Yesu, kabili mwaile pa Kalbale pamo na Wene. Imwe mwafwile pamo na Wene, kabili mwabukile pamo na Wene** (Abena Roma 6:6). **Kabili ilelo ifwe natwikala mu ncende sha mu myulu muli Wene, abaisushiwa no Mupashi Wakwe, abana baume na bana banakashi bakwa Lesa. Ukufwa pamo na Wene, no kubuka pamo na Wene. Mucine.**

Nomba kuti mwakwata isenge pamo na Wene. **Imwe teti mucite kunuma kulya, pa mulandu imwe mwali fye Icebo muli Wene, imbuto. Lelo nomba Ena amonekela muli imwe, kabili nomba Ena alefwaya imwe ukukwata isenge pamo na Wene. Lyena Ena alilikile, alengelwe umubili pakutila Ena engakwata isenge mu kupwililika na imwe. Mwamona isenge lyapwililika? Owe, mwe, shilye nkama isha shika isha kwa Lesa, ifyo cawama. Mwamona, Lesa teti akwate isenge mu Mupashi, e ico Lesa ashileba umuntu pamo na ifwe.**

Yesu Kristu ali ni Lesa Umwine ukumonekela (Abena Roma 9:5), pa mulandu, Ena ali Umwana pa mulandu Ena alifyelwe, **lelo cali fye li Hema kuli Wene ukwikalamo.** *“Takuli umuntu uwa mona Lesa pa nshita*

ili yonse, kano Uwafyalwa eka uwa kwa Taata na langisha Wene.” (Yohane 1:18). Lesa aikulile Umwine Ing’anda, umubili uwa kwikalamo, alikile pakutla imwe mwinga mukumya Wene. 1 Timoti 3:16, “Ukwabulo kutalikishanya, icikalamba icankama icabukapepa; pantu Lesa amonekele mu mubili, amwenwe kuli ba Malaika, alicetekelwe, no kupokelelwa mu bukata.”

Imwe ukuba umubili, kabili Wene ukuba umubili, lyena kuti mwakwata isenge nankwe, pa mulandu Ena ali imibele ya kutemwa kwa kwa Lesa. **Lesa kutemwa (1 Yohane 4:16).** Bushe cilya cinshinka? Kabili **Yesu ali imibele ya kutemwa kwakwa Lesa.** Kabili ilyo imibele ya kutemwa yalangishiwe, ico icali ni Lesa Umwine; yonse imibele iyo iyali pali Wene, yaishile kuli Wene. *“Bonse abo Taata Ampela, bakesa kuli Ine.” (Yohane 6:37-44).* Mucine, bena balingile ukulingilwa libela. Nga tacali ifyo, imwe tamwakabeko kulya. Epela fye. Mucine.

Nomba, **ifwe kuti twakwata isenge, cali ni pa mulandu wa bunonshi wa Cebo Cakwe,** kabili muli ico muli icilundwa ca cena. **Imwe muli icilundwa ca Cebo; pa mulandu Ena ali Cebo pa kutendeka; imwe muli Cebo nombamba.**

Abacine abacetekela abalingilwa libela bakekala ne Cebo pa mulandu bena baba icilundwa ca cilye Cebo.

Kutikeni. Kuli icintu cimo ico teti ncite. Ine teti njitakishe pa fikolwe fyandi, efyo asosele Munyina Branham. **Lelo, munyina, kuliko icintu cimo ico ningaitakishapo, kuti naitakisha pali Shikulu Yesu Uyo uwa ndubula.** Kabili ku maka Yakwe ayasangula abyele imbuto ku kulingilwa libela, kabili nalimwene Cena. Mwana wakwa nani naba nombamba? Eeh. Ine kuti naitakisha pali Wene. Kabili nali bomfya imyaka

amakumi yatatu na fitatu ya bumi bwandi ukwitakisha pali Wene. Nga Ena ali nokunsunga naimbi imyaka amakumi yatatu. Nkesha ukuitakisha ukucilapo pali Wene *(11 Abena Korinti 10:17-18)*. Mwamona? Ine kuti naitakisha pa Fikolwe fyandi (Alleluya). **Uyo uwandubwile no kubyala imbuto ya Mweo umu, kabili lekeni ndolekeshe pali ici Cebo, atumine Umupashi Wakwe kabili atile, “Ici Cili apa. Landa ici; cili nokucitika. Cita cilya.”** Kabili owe, mwe, ine kuti naitakisha pali Wene. Musangonshi Ena acitilemo cena? **Ukupitila ku musambilo wa menshi mu Cebo, Amenshi aya kupatula** *(Abena Efese 5:25-27)*.

Ena akabila ukukwata isenge na imwe. Ena alefuluka imwe. **Ena alefwaya ukusangula imwe ku lengwa cipya cipya umutima wenu, te ku lukuta atemwa ku cilonganino, lelo ku Cebo Cakwe, icili imwe mwaba icilundwa nga kulyo kukabila kuli muli imwe.**

“Balishuka abo abakwata insala ne cilaka ca bulungami: pantu bakesushiwa” (Mateo 5:6).

Kabili alituma amaka Yakwe ayakusangula ukumuleta uku mufumya muli ubu bukapepa ubwa lemana ubo mwabamo. Muli ici icimfulumfulu icalamana ico twabamo, Lesa alituma amaka Yakwe ayasangula, Icebo Cakwe, icalangishiwa, icashininkishiwa, uku muleta imwe ukumufumya muli ubu bukapepa ubwa lemana ubwa kukanaishiba ubo muleendamo, “ubwamba, impofu, uwankumbabulili, kabili tacishiba.” *(Ukusokolola 3:15-18)*. Tontonkanyeni pali cena, mwefibusa!

Ubukata kuli Lesa! cilya cilelenga ine ukumfwa bwino nganshi. Mwamona? Nshilesakama ifyo nali; nshilesakama ifyo naishile pano; **ifwe kuti twasangulwa uku kumanya ubulayo wa buno bushiku,**

ilyo ifwe twingekala capamo mu kwampana na mubusuma bwa Mupashi wa Mushilo, no kwikala nga ba munyina na bankanshi.

Kabili ifyo Lesa alaya ukucita, cilya Ena ali no kucita. Takuli nangu cimo. Icili conse icintu ica pondamikwa, Lesa teti acite nangu cimo nacena. **Lelo Ena ali nokusunga Icebo Cakwe**, kabili Ena ali nokutuma Umupashi wakwe. “Ine ne Yehoba nali byala Cena. Nkatapilisha Cena akasuba no bushiku (*Esaya 44:3-4*), epali bamo ba nukula cena ukufuma mu minwe Yandi.” (*Yohane 10:27-29*). Baibele efyo yasosa.

Lesa atile, “Uyo ukasha wishi, nyina, umukashi, umulume, imishi, amayanda, Nkabapela imishi na mayanda; Nkabapela ba shibo na banyinabo, na ba munyina na bankanshi muli ili sonde, kabili Umweo wa Muyayaya mwi sonde ilileisa.” (*Marko 10:29-30*). Bwena bulayo, we cibusa. Ukutula, owe, cilya cilingile ukutapilishiwa. **Ubulayo ubuli bonse Lesa apela bulesa muku fikilishiwa** (*Habakuku 2:1-3*). **Imbuto ili yonse iyakwa Lesa bulayo.** [2]

Munyina Branham apwishiwe ukulondola inkama iya kwilulwa kwa kwa Nabwinga:

Namwishiba, **Lesa atumine amaka Yakwe ayasangula ukufikilisha Icebo Cakwe**, kabili apilibwile umubili onse uwakwa Sara na Abraham: asangwile umwaume umukote no mwanakashi umukote, pa mulandu Ena alilaya Ena akacicita (*Ukutendeka 20*). [2]

Umubili wakwa Abraham na Sara wali sangwilwe uku kumanya imibele ya Cebo ica bulayo. Mwamona, bena bali bakote. Abraham ali pokelele ubulayo na Sarah, ilyo ena ali amakumi cinelubali na fisano, wene ali na makumi mutanda na fisano (*Ukutendeka 15*), ali

lekele ukuya ku mpepo; aikele pamo nankwe ukutula ilyo ali umukashana, ali mufyala wakwe. Kabili ukusunga bulya bulayo, imibili ya bonse babili yasangwilwe ukufuma ku mwaume umukote no mwanakashi ukwisa ku mwaume wacaice no mwanakashi uku kumanya ubulayo bwa bulya bushiku. [1]

Abraham, ena alelelela umwana uwa bulayo uyo uwalaiwe kuli wene (*Abena Roma 4:16-21*). Bushe cilya cishinka? **Kabili ulukuta lulelelela Umwana uwalaiwa.** Nabwinga (Bushe cilya cishinka?), **Nabwinga alelelela Umwana uwalaiwa.**

Ilyo umwana uwabulayo talaisa kuli Sarah na Abraham, imibili yabo yaishile alulwa. Bushe cilya cishinka? Wene ali mukote nganshi ukukwata akanya. E ico nicinshi icacitike? Lesa alimwalwile ukubwelela ku mwanakashi wa caice. Kabili Ena alicitile Abraham icintu cimo cine, pa mulandu Ena atile umubili wakwe wali fye ngo wafwa. Mwamona? Kabili Ena aishile alula imibili yabo pakutla benga pokelela umwana uwalailwe.

Kabili ifwe teti tupokelele Umwana wa bulayo uyo uwalaiwe kuli ifwe muli iyi mibili iyo twikalamo; **iyi mibili lubembu** (*Abena Roma 7:18*).

Kampungu wa ntanshi atungulula uyu mubili no kumona, ukusonda, ukukumya, ukununsha, no kumfwa, kabili wene watulenga fye ifwe ukuba mu bwafya; tulelenganya ne fintu fyonse ifyashala. **Lelo ulyo umubili upya, uyo uwisa ukufuma muli uyu uwa fyalwa cipya cipya** (moneni uyu kampungu wakubalilapo, bukapita)...**Ni cilya icaba mukati icaba no mweo.**

Te ici kunse ukumona, ukusonda, ukukumya, ukununsha, no ku mfwa. Cena tacili. Cena caba icakuma ku mfwa kabili cika fwa, **lelo iciputulwa ca mukati ka imwe, mukati umu, mukati, ulya e muntu ushinga fwa.** Mwamona? **Kabili ulya e muntu uyo ubumi bupya butendekela, ukufuma kuli uku ukufyalya cipya cipya; kabili cilapanga umuntu umbi muli ici cipasho ca muntu imwe mwaba, ukushinguluka bulya bumi.** Muleumfwa cena?

E ico ulubali lumo cena cili umu, kabili cena ni cinshi? **Icebo icalaiwe ilyo umufula we sonde taulalengwa.** Kabili ukushinguluka kulya, ici cilangisha fye icishili icituntulu; **cilya cili nokulangisha icituntulu, Icebo.** Mwamona? Kabili ukwilulwa kwa kwa Nabwinda kukaba icintu cimo cine. **Icebo icili muli imwe, umubili bukekatwa ukushinguluka cilya Cebo, kabili icintu cimo cine cacitike kuli Sarah.**

Ilyo ulyo mubili ukote uo akwete, ulyo mubili wakubalilapo, walingile ukwalulwa pakutla wanga fyala umwana. Ulya mubili teti ucicite. **Uyu mubili teti ucicite, e ico uulingile ukwalulwa umusango umo wine ukupokelela Umwana (1 Abena Korinti 15:51-54).** [3]

Lesa, tusanguleni ilelo, ku maka Yenu, pa kusangulwa kwa mitima yesu ukutaluka ukufuma ku fintu ifya fye ifya ili sonde nombu, ukwisa ku Cebo cakwa Lesa. Kabili shi twinga lengwa cipya cipya pa kusangulwa na maka yakwa Lesa pa Mbuto iyo iyaba mu mitima yesu, ukutla twalicetekela, ku fibumbwa ifiitwa abana baume na bana banakashu bakwa Lesa. Ili epepo lyandi kuli Imwe, Taata, ku bantu, mwi Shina lyakwa Yesu. Amen. [2]

Umwakumona:

- [1] “Amaka Ayasangula” (65-1031M), par. 39-48,51,73-74,77-78,281-286,290,296-298,316-317,324
- [2] “Amaka Yakwa Lesa Ayasangula” (65-0911), par. 37-38, 49-51,64, 212-213,227-245,272
- [3] “Amepusho na Masuko” (61-0830M), Q-No. 362, COD pg. 1113

Ilibwe Ilya Kukulilako Ilya Bumupashi No. 139 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/ 0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena.

[Munyina Branham mu, Conduct-Order-Doctrine“, page 724]